

REGIONAL NEWS UNIT
ALL INDIA RADIO, SILCHAR

EVENING BULLETIN : BENGALI

Date:- 21-06-2018

Time : 07:55-08:05 hrs

আজকে বিশেষ বিশেষ খবর হলো :-

- ১) সমগ্র দেশে আজ চতুর্থ আন্তর্জাতিক যোগদিবস পালিত। যোগাভ্যাসকে একটি বিপ্লবে পরিনত করা সহ জীবনের আংশ হিসেবে গ্রহন করতে প্রধানমন্ত্রী নরেন্দ্র মোদীর জনসাধারণের প্রতি আহ্বান।
- ২) যোগের মাধ্যমে অন্ধবিশ্বাস এবং কুসংস্কার দূর করার উপর মুখ্যমন্ত্রী সর্বানন্দ সনোয়ালের গুরুত্ব আরোপ। বরাক উপত্যকায় ও আজ আন্তর্জাতিক যোগ দিবস পালিত।
- ৩) আসামে রূপারিত কেন্দ্রীয় প্রকল্পগুলির অগ্রগতির বিষয়ে আজ গৌহাটীতে কেন্দ্রীয় প্রকল্প রূপায়ন দপ্তরের প্রতিমন্ত্রী বিজয় গোয়েলের পর্যালোচনা।
- ৪) গৌহাটী সোনারাম খেলার মাঠে আজ অম্বুবাচী মেলার আনুষ্ঠানিক উদ্বোধন এবং
- ৫) বরাক উপত্যকার বন্যপ্রাণী লোকেদের খোজখবর নিতে মুখ্যমন্ত্রী সর্বানন্দ সনোয়ালের আগামী শনিবার থেকে দুদিনের বরাক উপত্যকা সফর।

বিস্তারিত খবর :-

আজ চতুর্থ আন্তর্জাতিক যোগ দিবস । দেশের বিভিন্নস্থানে দিনটি যথাযথভাবে পালিত হয়েছে । উত্তরাখন্ডের দেবাদুনের বন গবেষণা প্রতিষ্ঠানে আয়োজন করা যোগ দিবসের কেন্দ্রীয় অনুষ্ঠানে প্রধানমন্ত্রী নরেন্দ্র মোদীর নেতৃত্বে বহু সংখ্যক লোক যোগাভ্যাস করেন । অনুষ্ঠানে ভাষণ প্রসঙ্গে প্রধানমন্ত্রী যোগাভ্যাসকে এক বিপ্লবে পরিনত করা সহ জীবনের অংশ করে নিতে জনসাধারণের প্রতি আহ্বান জানিয়েছেন । তিনি বলেন যোগাভ্যাস বিশ্বের সর্ববৃহৎ একতার শক্তি সহ সর্ববৃহৎ গন আন্দোলনে পরিগণিত হয়েছে । শ্রী মোদী বলেন যে অতীত থেকে যোগ ভারতীয় পরম্পরার এক অংশ ,এবং তা জনসাধারণকে একতার বন্ধনে বেধে রেখেছে । তিনি বলেন যেযোগাভ্যাসের মাধ্যমে একজন ব্যক্তি পুরো জীবন সুস্থ সবল হয়ে থাকতে পারে ।

উপরাষ্ট্রপতি এম ভেংকাইয়া নাইডু একটি সুস্থ দেশ গড়ার জন্য স্কুল পাঠ্যক্রমে যোগ শিক্ষা অন্তর্ভুক্ত করার প্রয়োজনীয়তার উপর বিশেষ গুরুত্ব আরোপ করেছেন । উপরাষ্ট্রপতি মুম্বাইয়ে আন্তর্জাতিক যোগ দিবসের একটি কার্যসূচীতে অংশ গ্রহন করে বলেন যে যোগ হচ্ছে প্রচীন ভারতীয় সভ্যতার এক নিদর্শন যা ভারতের মাধ্যমে বিশ্ববাসীকে দিয়ে যাওয়া এক অমূল্য উপহার । ইতিবাচক চিন্তাধারা গড়ার ক্ষেত্রে যোগাভ্যাস বিশেষভাবে প্রভাব ফেলে বলে তিনি উল্লেখ করেন ।

আসামে ও আজ আন্তর্জাতিক যোগ দিবস পালন করা হয়েছে । এউপলক্ষে রাজভবনে আয়োজিত যোগ কার্যসূচীতে রাজ্যপাল অধ্যাপক জগদীশ মুখী অংশ গ্রহন করেন । নগাও এ রাজ্যপর্যায়ে কেন্দ্রীয় ভাবে আয়োজিত যোগ দিবসের কার্যসূচীতে মুখ্যমন্ত্রী সর্বানন্দ সনোয়াল ও কেন্দ্রীয় মন্ত্রী রাজেন গোহাই অংশ গ্রহন করেন । শ্রী সনোয়াল যোগাভ্যাসের মাধ্যমে

রাজ্য থেকে অন্ধবিশ্বাস ও কুসংস্কার দূর করতে আহ্বান জানান । রাজ্য বিজেপির সভাপতি রঞ্জিত কুমার দাস ও কেন্দ্রীয় মন্ত্রী বিজয় গোয়েল ও গৌহাটীতে আয়োজিত যোগ কার্যসূচীতে অংশ গ্রহন করেন ।

শিলচরে ও আজ আন্তর্জাতিক যোগ দিবস পালিত হয়েছে । এ উপলক্ষে জেলা প্রশাসনের উদ্যোগে ইন্ডিয়া ক্লাবের ইনডোর স্টেডিয়ামে আয়োজিত যোগ শিবিরের উদ্বোধন করেন প্রাক্তন কেন্দ্রীয় মন্ত্রী কবীন্দ্র পুরকায়স্থ । এই যোগ শিবিরে বহুসংখ্যক লোক বিশেষ করে ছাত্র ছাত্রীরা অংশ গ্রহন করে । এছাড়া যোগ কার্যসূচীতে রাজ্যের বন ও পরিবেশ বিভাগের মন্ত্রী পরিমল শুরুবৈদ্য , জেলা উপায়ুক্ত এস লক্ষ্মনন , জেলার স্বাস্থ্যবিভাগের যুগ্ম সঞ্চালক ড: সুদীপ জ্যোতি দাস , জাতীয় দূর্যগ মোকাবিলা বাহিনী ও আয়ুষ বিভাগের আধিকারিকরা উপস্থিত ছিলেন । শিবির পরিচালনা করেন পতঞ্জলী যোগ সমিতির প্রশিক্ষক সুকুমার নাথ, জয়দেব সিকিদার ।

হাইলাকান্দি জেলায় ও আজ এই দিবস পালিত হয়েছে । এ উপলক্ষে আজ জেলা উপায়ুক্ত কার্যালয় প্রাঙ্গনে কেন্দ্রীয় ভাবে আয়োজিত যোগ দিবসের অনুষ্ঠানে ১০০ র বেশী ছাত্রছাত্রী অংশ গ্রহন করেছে । অনুষ্ঠানে যোগের উপকারিতা সম্পর্কে জেলা উপায়ুক্ত আদিল খান বলেন যে যোগ আমাদের শরীর মন এবং আত্মার ভারসাম্যতা বজায় রাখতে সহায়তা করে। তিনি যোগকে জীবনের অংশ হিসেবে গ্রহন করতে সবার প্রতি আহ্বান জানান । অনুষ্ঠানে অতিরিক্ত উপায়ুক্ত অমলেন্দু রায় , পুলিশ সুপার মহনীশ মিশ্র , জেলা বিজেপি সভাপতি সুব্রত নাথ , যোগ প্রশিক্ষক কুমার দাস , পরিমল পাল প্রমুখ অংশ নেন । এছাড়া হাইলাকান্দি জেলা প্রশাসনের উদ্যোগে জেলার ৬২ টি গাওপঞ্চায়েৎ এবং চারটি রাজস্ব চক্রে যোগ দিবস পালন করা হয় ।

করিমগঞ্জ জেলা প্রশাসনের উদ্যোগে আজ করিমগঞ্জও সিভিল হাসপাতাল প্রাঙ্গনে আন্তর্জাতিক যোগ দিবসের কেন্দ্রীয় অনুষ্ঠানে উদ্বোধন করেন জেলা উপায়ুক্ত প্রদীপ কুমার তালুকদারের । তিনি যোগের উপকারীতা সম্পর্কে বলেন যে যোগ বিভিন্ন অসামাজিক কার্যকলাপ রোধ করতে সহায়ক । যোগব্যায়াম মানুষের শারিরিক মানসিক ও বৌদ্ধিক বিকাশের পথ প্রশস্ত করে বলে তিনি মন্তব্য করেন । অনুষ্ঠানে প্রণবানন্দ যোগ বিদ্যালয়, করিমগঞ্জ কলেজ যোগ সেন্টার পতঞ্জলি যোগ সমিতি, সহ বিভিন্ন সংস্থা অংশ গ্রহন করে । অনুষ্ঠানে জেলা উন্নয়ন আয়ুক্ত বরেন্য দাস ও পুলিশ সুপার গৌরব উপাধ্যায় ও অংশ নেন । জেলার খন্ড উন্নয়ন কার্যালয় ও স্কুল কলেজগুলিতেও অনুরূপভাবে যোগ শিবিরের আয়োজন করা হয়েছে ।

কেন্দ্রীয় সরকার উত্তর পূর্বাঞ্চলের জন্য ৫০ হাজার কোটি টাকা ব্যয় সাপেক্ষে ৪৪ টি প্রকল্প গ্রহন করেছে । কেন্দ্রীয় পরিসংখ্যান ও প্রকল্প রূপায়ন বিভাগের প্রতিমন্ত্রী বিজয় গোয়েল আজ গৌহাটিতে ১৫০ কোটি টাকার কেন্দ্রীয় প্রকল্প রূপায়নের পর্যালোচনা করে একথা জানিয়ে বলেন সরকার এঞ্চলের পরিকাঠামোগত উন্নয়নে বিশেষ গুরুত্ব আরোপ করেছে । তিনি বলেন প্রকল্প রূপায়নের সমগ্র প্রক্রিয়া পর্যালোচনা করলে উন্নয়ন মূলক কাজগুলি দ্রুতগতিতে সম্পন্ন হবে । জাতীয় সড়ক কতৃপক্ষের দ্বারা রূপায়ন করা সড়ক খন্ডের প্রকল্পগুলি রূপায়নের পর্যালোচনা করে তিনি বলেন যে কতৃপক্ষ ৬০৭কিলোমিটার সড়ক নির্মানের কাজ সম্পূর্ণ করেছে । এর মধ্যে ৬১৯ কিলোমিটার সড়ক আসামের । রেলোয়ে প্রকল্পের কথা উল্লেখ করে তিনি জানান যে মেঘালয়ের সংগে রেল সংযোগ এর ব্যাপার সহ সংশ্লিষ্ট বিষয়ে তিনি মেঘালয় সরকারের সংগে আলোচনা করবেন । তিনি উত্তর পূর্ব সীমান্ত রেলোয়ের আধিকারিকদের এলিফেন্ট কোরিডরে দীপর বিলে সেতু নির্মানের কাজ ত্বরান্বিত করার জন্য বিশেষজ্ঞ কমিটি গঠন করতে বলেছেন ।

কেন্দ্রীয় স্বরাষ্ট্রমন্ত্রী রাজনাথ সিং বলেছেন যে প্রধানমন্ত্রী নরেন্দ্র মোদীর ওপর মাওবাদীরা আক্রমণ চালানোর পরিকল্পনা করছে বলে গোপন সূত্রে তথ্য লাভ করার পরিপ্রেক্ষিতে প্রধানমন্ত্রীর নিরাপত্তা ব্যবস্থা আরো কঠোর করা হয়েছে। স্বরাষ্ট্র মন্ত্রী একটি সংবাদপত্রকে দেওয়া এক সাক্ষাৎকারে জানান যে এই পরিকল্পনা সম্প্রতি কোন পর্যায়ে রয়েছে সে বিষয়ে স্বরাষ্ট্র মন্ত্রণালয়ের কাছে কোনো তথ্য নেই তবে সতর্কতা অবলম্বন করা সরকারের দায়িত্ব। তিনি আরো জানান যে প্রধানমন্ত্রীর নিরাপত্তা ব্যবস্থার পর্যালোচনা করার জন্য ইতিমধ্যে একটি কমিটি গঠন করা হয়েছে। দেশের আভ্যন্তরীণ সুরক্ষার বিষয়ে এক প্রশ্নের উত্তরে শ্রী সিং বলেন যে উত্তরপূর্বাঞ্চলের সুরক্ষা পরিস্থিতি প্রায় স্বাভাবিক এবং অঞ্চলটির পরিস্থিতি পূর্বের তুলনায় ৯৫ শতাংশ উন্নত হয়েছে। এদিকে মাওবাদী উগ্রপন্থী সম্পর্কে স্বরাষ্ট্রমন্ত্রী বলেন যে এই ক্ষেত্রে পরিস্থিতি ৫৫ থেকে ৬০ শতাংশ উন্নত হয়েছে।

আগামী ২০২১ সালের মধ্যে আগরতলা শহরকে স্মার্ট সিটি হিসেবে গড়ে তোলা হবে বলে ত্রিপুরার মুখ্যমন্ত্রী বিপ্লব কুমার দেব জানিয়েছেন। গতকাল বিধানসভায় বিধায়ক আশীষ কুমার সাহার করা এক প্রশ্নের উত্তরে মুখ্যমন্ত্রী শ্রী দেব জানান যে স্মার্ট সিটি মিশনে এক হাজার কোটি টাকার প্রকল্প রূপায়নের জন্য গৃহ ও নগর উন্নয়ন মন্ত্রক থেকে এখনও পর্যন্ত একশ ৯৬ কোটি টাকা পাওয়া গেছে এবং একশ ৬৬ কোটি টাকার প্রকল্প হাতে নেওয়া হয়েছে। এছাড়াও আগরতলা শহরের জল নিষ্কাশনের জন্য স্মার্ট সিটি প্রকল্প থেকে ১৩ কোটি ৯৬ লক্ষ টাকা বরাদ্দ করা হয়েছে।

এদিকে শিলংকে ১০০ তম স্মার্ট সিটি হিসেবে নির্বাচিত করা হয়েছে। স্মার্ট সিটি মিশন এর অধীনে এপর্যন্ত ৯৯টি স্মার্ট সিটি নির্বাচিত করা হয়েছিল। শিলং কে এই অভিযানের অন্তর্ভুক্ত করে ১০০টি স্মার্ট সিটি গড়ার পরিকল্পনা সম্পূর্ণ হলো।

আসাম পার্লিক সার্ভিস কমিশনের চাকুরী কেলেংকারীতে যুক্ত অভিযোগে বন্দী ১৩ জন প্রশাসনিক সেবার আধিকারীককে আজ আসাম সরকার চাকুরী থেকে বরখাস্ত করেছে । বরখাস্ত হওয়া আধিকারীকরা বর্তমানে গৌহাটীর কেন্দ্রীয় কারাগারে বন্দী রয়েছেন এবং গত বছরের নভেম্বর মাসে তাদের আটক করা হয়েছিল । বন্দীদের মধ্যে রাজ্যের প্রাক্তন মন্ত্রী নীলমনি সেন ডেকার পুত্র রাজশী সেন ডেকাও রয়েছেন ।

উল্লেখ্য এ পি এস সি'র প্রাক্তন চেয়ারম্যান রাকেশ পাল সহ ৩৫ জন আধিকারীককে গ্রেপ্তার করা হয়েছে ।

গৌহাটী নীলচল পাহাড়ের শক্তিপীঠ কামাখ্যা মন্দিরে আগামীকাল থেকে শুরু হওয়া অম্বুবাচী মেলা উপলক্ষে সবধরনের প্রস্তুতি সম্পূর্ণ । মুখ্যমন্ত্রী সর্বানন্দ সনোয়াল আজ গৌহাটী ভরলু মুখের সোনারাম খেলার মাঠে দেশের বিভিন্ন স্থানের সন্যাসী ও ধর্মগুরুদের উপস্থিতিতে অম্বুবাচী মেলা ২০১৮'র আনুষ্ঠানিক উদ্বোধন করেন । অনুষ্ঠানে অর্থ এবং স্বাস্থ্য মন্ত্রী ডঃ হিমন্ত বিশ্ব শর্মা পর্যটন মন্ত্রী চন্দন ব্রহ্ম উপস্থিত ছিলেন । উল্লেখ্য আগামীকাল রাত ৯টা ২৭ মিনিটে ৫৪ সেকেন্ডে অম্বুবাচীর প্রবৃত্তি এবং আগামী মঙ্গলবার সকাল ৭টা ৫১ মিনিট ২৮ সেকেন্ডে নিবৃত্তি হবে । এই সময়ে কামাখ্যা মন্দিরের দড়জা ভক্ত এবং দর্শনাথীদের জন্য বন্ধ থাকবে । এই মেলার দেশ বিদেশের প্রায় ১০লক্ষ ভক্ত সমাগম হবে বলে আশা করা হচ্ছে ।

মুখ্যমন্ত্রী সর্বানন্দ সনোয়াল বন্যাক্রান্ত লোকেদের খোজখবর নিতে আগামী শনিবার দুদিনের বরাক উপত্যাকা সফরে এসে প্রথমে করিমগঞ্জ যাবেন । ঐদিন সন্ধ্যা সাড়ে ৫ টায় তিনি জেলার জনপ্রতিনিধি এবং শীর্ষ আধিকারীকদের সঙ্গে বন্যা পরিস্থিতি সম্পর্কে এক পর্যালোচনা বৈঠকে মিলিত হবেন । এরপর মুখ্যমন্ত্রী হাইলাকান্দি হয়ে শিলচরে আসবেন । এদিকে মুখ্যমন্ত্রীর করিমগঞ্জ সফর উপলক্ষে আজ জেলা উপায়ুক্ত প্রদীপ কুমার

তালুকদারের পৌরহিত্যে এক সভা অনুষ্ঠিত হয়েছে। সভায় জানানো হয় যে সাম্প্রতিক বন্যায় জেলার ১২৯টি গ্রামীন সড়ক, দুটি সেতু, ও একটি কালভার্ট ক্ষতিগ্রস্ত হয়েছে। এছাড়া ১২৫টি এলপি স্কুল, ২১টি এমি ও এমভি স্কুল, এবং ৬ টি হাই ও হায়ার সেকেন্ডারি স্কুলো ক্ষতিগ্রস্ত হয়েছে বলে সভায় জানানো হয়। সভায় জেলা উন্নয়ন আয়ুক্ত বরেন্য দাস, মুখ্য কার্যবাহী আধিকারীক নবারণ ভট্টাচার্য প্রমুখ উপস্থিত ছিলেন।

উত্তর পূর্ব সীমান্ত রেলওয়ের সমগ্র জোনের গুরুত্বপূর্ণ রেলষ্টেশনগুলিতে লিফট ব্যবস্থা চালু করা হবে। এর প্রথম পদক্ষেপ হিসেবে আগামী সেপ্টেম্বর মাসের মধ্যে সাতটি লিফট চালু করা হবে এর মধ্যে গৌহাটিতে তিনটি, লামডিংয়ে ২ টি এবং তিনশুকিয়ায় একটি লিফট চালু করা হবে। পরবর্তী পর্যায়ে অক্টোবর মাসের মধ্যে আরো ১২ টি লিফট চালু করা হবে বলে রেল সূত্রে জানানো হয়েছে। এই লিফটগুলি যাত্রীদের প্লেটফর্ম লেভেল থেকে ফুট ওভারব্রিজ পর্যন্ত চলাচলে সহায়তা করবে। বিশেষ করে বয়স্ক এবং বিশেষভাবে সক্ষম লোকদের জন্য এই লিফটগুলি সহায়ক হবে। এছাড়া উত্তরপূর্ব সীমান্ত রেলের বিভিন্ন ষ্টেশনে ডিসেম্বর মাসের মধ্যে ১৮ টি এসক্যালের চালু করারো পরিকল্পনা রয়েছে।

এদিকে মণিপুরের স্বশাসিত জেলা পরিষদের সভাপতি চান্ডেল লুখোসেই জোউকে ড্রাগস সহ গ্রেফতার করেছে। জোউর সঙ্গে তার সাতজন সঙ্গীকেও গ্রেফতার করা হয়েছে। আটক করা ড্রাগসের বাজার মূল্য ২৭ কোটি ৫০ লক্ষ টাকা হবে বলে পুলিশ জানিয়েছে।

-----সমাপ্ত-----